



Institutiones Canonicæ Sive Ius Ecclesiasticvm

Wiestner, Jacob

Monachii, 1706

LXXXVIII. Certum est, quòd is committit in legem, qui legis verba complectens contra legis mittitur voluntatem.

[urn:nbn:de:hbz:466:1-62649](#)

notum; ut promotione ad istos non tam honorentur infames, quam dignitates & honores infamantur.

Præfertim vero infames quicunque admittendi non sunt ad dignitates, beneficia & officia Ecclesiastica: imo ab his jam obtentis removendi sunt; quod ea non nisi à probatis & integræ existimationis personis conveniat administrari, per tradita supra Tit. 37. a. n. 58.

Obici Regula solet; quod infamis ad munus procuracyonis & ad arbitrium admittatur. §. fin. Instit. de Except. &c. Pedius 7. pr. ff. de Recept. arbitr. & reus criminis accusatus anno à delatione lapsò honorem petere non prohibeatur, l. Reus 7. pr. V. Sed post. ff. de Muneribus & honor.

Sed exempla hæc parvum movent. Primum; quia de Jure procuracyonis munus vile merèque privatum est, l. Si quis 34. C. de Decurion. ut mirum non sit; quod ab eo personæ viles non arceantur: nisi procurator sit Principis aut in eis Curia verletur. De Jure, inquam; quia ex consuetudine, hac in re Juri prævalente, procuratorum munus ferè non minus honorificum, quam ad vocorum reputatur, & personas quavis infamia notatas non admittit, Sylvester V. Procuratio & Gaill. Præf. Lib. I. obseruat. 43.

Alterum; quia arbiter non Juris, sed Voluntarius seu Compromissarius neque dignitatem, neque munus publicum, neque jurisdictionem habet; cùm hanc & illa tribue parates, à quibus assumitur, non possint, l. Privatorum 3. C. de Jurisdict. omn. jud. ut Lib. I. tit. 43. n. 4. est dictum.

Postremum; quia ex eo, quod accusatus objecti criminis intra annum à delatione non convincatur, oritur quadam ejus innocentia & calumnioæ delationis præsumptio; ut, si munus honorificum petat, tanquam indignus non removeatur.

REGULA LXXXVIII.

Certum est, quod is committit in legem, qui legis verba complectens contra legis nititur voluntatem.

SUMMARIUM.

1. Occasio Regule,
2. Ejus sensus Ratiōne,
3. Et utilitas exemplis declarata.
4. Specie à ratione impugnatur:
5. Firmatur tamen potius, quam convelatur.

INopia verborum & inopinatorum eventuum copia, varietasque facit; ut verbis propriis non omnes casus lege exprimantur. Plerumque tamen legis mens & legislatoris intentio ex illius latè occasione & ratione finèque perspecta, & aliquando aliena est à sensu, in quem verba, ut sonant, accepta trahi possunt. Quò animadversò

Præsentis ac perutilis Regula sensus est, *Contra legem delinquit, quisquii ejus solummodo verba, non sententiam, seu verba in sensu, à legis mente legislatoris intentione alieno, accepta observat.* Ratio est; quia leges non in verbis, sed sensu: non in superficie & cortice, sed medulla consistunt, vox est Veterum & admonitio digna, quam cordibus suis inscriptam cùmferant subditi pariter & magistratus: cuique tanquam Regulae illi actiones suas, hi iusta, judicia & sententias nitantur conformare; nam ut Celsus JCT. 9 ait, *Seire leges non hoc est, verba earum tenere, sed vim ac potestatem, l. 17. ff. de LL.*

Quare omnino exploratum est, in legem delinquere electum, ante confirmationem acceptam administrare prohibutum, si oeconomum le constitui procuraret, c. Avaritia 5. de Elec. in 6. præscribi scienter finens res Ecclesiæ, prohibitas alienari;

alienari, arg. l. *Alienationis 28. ff. de V.S.*
 clericum pro beneficio Ecclesiastico pecuniam, non ut pretium, sed ut munus gratitutum patrono vel collatori exhibentem ante præsentationem vel collationem, eamve promittentem, secundum *Propositionem 45.* ex damnatis ab Innocentio XI.

2. Marij 1679. sponsum, qui rem dat Titio, ut eam sponsa sua post nuptias jam celebratas tradat, l. *Si sponsus s. pr. ff. de Donat. inter vir. & ux. quia hi similesque alii legis verba sive istorum contum, non mentem, amplectendo contra legis nituntur voluntatem, impinguntque in Regulam præsentem & sententiam Tullii, calumniatoribus adnumerant eos, qui scriptum sequuntur, neglectâ ratione, ut proinde jure optimô Imp. Theodos. & Valent. Cæsar. Legi insertas pñas non evitaturum, pronuntiârunt eum, qui se contra legi, sententiam savâ verborum prærogativâ fraudulenter excusat, l. Non dubium s. C. de LL.*

¶ Neque, legum verbis duntaxat inhærendum, perfuader; quod ea ex natura & institutione sua loquentis mentem manifestent; ut, quam ea significant, legis mens & voluntas conditoris fuisse intelligatur; cum intentionis & voluntatis nostra testimoniū majus non sit, quam qualitas & propria notatio verborum, l. *Labeo 7. §. 2. ff. de Suppell. leg.* adeò; ut Eloquentia Romana Princeps Cicero argumentum non admittat de voluntate ejus, qui verba, voluntatis, si quod aliud est, certum indicium temere reliquit. Cui argumento non leve robur accedit; quod, si sub prætextu alterius voluntatis in disponente à verborum contextu & significacione propria recedendi libera potestas foret, innumera tāque haud sanè levia incommoda seque-

rentur; cùm hæreses non aliunde natæ sint, quam ex varia liberâque Divinorum eloquiorum interpretatione.

Non speciosa magis quam solida ratio hæc primò occurruerit: Regulam tamē inconcessam, inq. intactam relinquit; quantumvis enim verborum qualitas & propria significatio habenda præ occulis, eique inhaerendum sit, cùm ea clara apertaque sunt, & de sensu, quem primò intuenti offerunt, dubitandi ratio non est §. 3. cit. rationi tamen, & occasionis atque per legem intenti fini ponderationi locus est non solùm, cùm verborum significatio varia &, quam intentione ea prolatâ sint, non appetat; sed etiam, cùm verba, ut jacent, iniquum, absurdumve, a rectâ ratione alieni & per legem intento fini non convenientem aut legibus aliis reprobatus sensum admittunt; his profectò casibus proposita Regula locus, & in legem committere censendus est, qui verba legis amplectitur & contra legis initit voluntatē.

Atque hæc omnia & singula, que pro Academicorum Auditorum in Jure Ecclesiastico institutione, ad maiorem Dei gloriam, Deiparâque sine Originalis peccati labo concepta, Sancti Parentis mei Ignatii & Sanctorum Thaumaturgorum Antonii Patauini & Francisci Xaverii, Indianum Apostoli honorem scripta, publicisque Prælectionibus aut Exercitationibus dicta dictataque sunt, Sanctæ Catholicae & Apostolicae Ecclesiæ Romanae, qua omnium Fidelium Mater, Fideique & Veritatis Magistra Morumque infallibilis Regula est, judicio & correctioni humiliâ veneratione submitto: &, si quæ ab ejus mente aliena per ignorantiam aut imprudentiam excederunt, pro non scriptis, dictis dictatisque cupio haberi.

Libri V. Institutionum Canonicarum FINIS.